



JABATAN PERPADUAN NEGARA  
DAN INTEGRASI NASIONAL



**UPM**  
UNIVERSITI PUTRA MALAYSIA  
BERILMU BERAKHYA!



**UTP**  
UNIVERSITI TEKNOLOGI PETRONAS



جامعة السلطان أزlan شاه  
UNIVERSITI SULTAN AZLAN SHAH  
SULTAN AZLAN SHAH UNIVERSITY

## **KAJIAN PEMBINAAN INSTRUMEN INDEKS KEHARMONIAN SOSIO-AGAMA DI MALAYSIA**

### **BARISAN PENYELIDIK:**

**DATUK PROF. DR. AZIZAN BAHARUDDIN (IKIM)  
PROF. DR. ZAID AHMAD (UPM)  
PROF. MADYA DR. AHMAD TARMIZI TALIB (UPM)  
PROF. MADYA DR. SARJIT SINGH DARSHAN SINGH (UPM)  
DR. M. NURI AL AMIN ENDUT (UTP)  
DR. MUHAMMAD RIDHUAN TONY LIM ABDULLAH (UTP)  
DR. MOHD FAIZAL ABDUL KHIR (USAS)  
EN ABD UR-RAHMAN MOHAMED AMIN (UTP)  
PN. ENIZAHURA ABDUL AZIZ (IKIM)  
PN. ATIFAH MOHD YUSOF (UTP)  
EN. MOHD AMIRUDDIN KAMARULZAIID (IKIM)  
CIK FANG YI XUE (UPM)**

## **RINGKASAN EKSEKUTIF**

### **1.1 Pendahuluan**

Mutakhir ini, isu agama dan hubungan antara agama khususnya Islam dan bukan Islam dalam kalangan masyarakat Malaysia sering bertukar menjadi sensitif dan kadang kala menimbulkan ketegangan. Walaupun secara umumnya hubungan antara agama masih dalam keadaan terkawal namun melihat kepada senario semasa, satu kajian menyeluruh bagi mendapatkan “*base line data*” perlu dijalankan bertujuan mengenal pasti dan mendalami permasalahan sebenar yang mendasari isu hubungan antara agama di Malaysia. Sehubungan itu, beberapa permasalahan kajian telah dikenal pasti. Kajian ini bertujuan untuk mengukur keharmonian sosio-agama antara penganut agama yang dikatakan semakin rumit dalam kalangan masyarakat Malaysia melalui satu indeks yang dinamakan Indeks Keharmonian Sosio Agama Malaysia.

### **1.2 Tujuan kajian**

Secara amnya, kajian ini akan membuat penilaian dengan menggunakan enam domain iaitu keharmonian, penerimaan, persefahaman, kerjasama, kepuasan terhadap hak dan keadilan, dan kekerapan konflik bagi mengukur tahap keharmonian sosio-agama di Malaysia. Antara objektifnya adalah:

- a) Untuk mengenal pasti indikator-indikator berkaitan keharmonian antara penganut agama di Malaysia.
- b) Untuk membangunkan Indeks Keharmonian antara Penganut Agama di Malaysia.
- c) Untuk menilai kebolegunaan Indeks Keharmonian antara Penganut Agama di Malaysia melalui satu kajian lapangan yang komprehensif.

### **1.3 Metodologi**

Kajian ini dijalankan dengan menggunakan kaedah berikut :

- a. Survei – Dalam kajian ini, seramai 400 sampel dipilih terdiri daripada individu yang berumur 18 tahun ke atas.
- b. Dari segi persampelan, teknik persampelan rawak mudah berstrata digunakan di mana ratio responden dibahagi mengikut ratio setiap agama utama iaitu 60% Islam, 20% Buddha, 10% Kristian dan 10% Hindu.
- c. Dapatan kajian dihuraikan menggunakan pendekatan analisis deksriptif.

### **1.4 Dapatan Kajian**

- a. Secara keseluruhannya, 62.5% responden menyatakan tahap keamanan adalah tinggi dalam kalangan penganut berbeza agama di negara ini, diikuti 35.8% responden menyatakan keamanan antara penganut agama yang berbeza berada di tahap sederhana.
- b. Keseluruhannya, 55.3% responden menyatakan tahap penerimaan dalam kalangan penganut yang berbeza agama berada pada tahap yang tinggi, diikuti sebanyak 42% responden menyatakan tahap penerimaan mereka terhadap penganut agama berbeza pada tahap sederhana.
- c. Keseluruhannya, 50.5% responden mempunyai tahap persefahaman yang tinggi antara penganut agama yang berbeza, diikuti sebanyak 46% responden berada pada tahap sederhana.
- d. Majoriti responden menyatakan tahap kerjasama antara penganut agama berbeza pada tahap yang tinggi sebanyak 53.5%. Manakala sebanyak 42.8%

responden menyatakan tahap kerjasama antara penganut berbeza agama berada di tahap sederhana.

- e. Majoriti responden berpuas hati dengan tahap hak dan keadilan dalam kalangan penganut berbeza agama iaitu sebanyak 64.8%, diikuti 32% responden menyatakan tahap hak dan keadilan berada pada kedudukan sederhana.
- f. Secara keseluruhannya, majoriti responden menyatakan tahap konflik dalam kalangan penganut agama berbeza berada pada tahap rendah iaitu sebanyak 59.8%, diikuti 36% responden menyatakan tahap konflik dalam kalangan penganut agama berbeza berada di tahap sederhana.
- g. Secara keseluruhan, agregat indeks keharmonian sosio-agama di Malaysia yang diukur melalui kajian ini adalah berada di tahap 3.9 (Diukur melalui skala Tahap 1 hinggg Tahap 5. Tahap 1 indeks merujuk kepada keadaan keharmonian yang rendah manakala Tahap 5 merujuk kepada keadaan keharmonian paling tinggi). Kesimpulannya, dapatan kajian menjelaskan keadaan keharmonian sosio agama di Malaysia berada di tahap yang amat baik.